

四庫全書

集部

欽定四庫全書

景文集卷五

宋 宋祁 撰

風雅體詩

順祀詩

并序 案仁宗本紀慶厯五年十月辛酉祔章獻章懿于太廟與此相符

臣某言伏見去年七月壬寅詔書章獻明肅皇太后章懿皇太后並祔真宗廟室有司擇日具儀以聞其十月辛酉皇帝步自文德殿奉玉冊玉寶至大慶庭中再拜

以命丞相臣昌朝臣執中曰假爾節其遂告于廟臣昌朝等再拜受命容衛焜煌不譁不敖款于奉慈昭告如禮然後奉章獻明肅皇太后章懿皇太后木主納諸太廟有司至孟月之饗饗焉已事丞相率百官詣閤稱賀有詔大赦天下釋罪已責賜羣臣軍校各有差恭念盛德形容所以告于神明者宜有聲詩頌歎以播樂府臣某被學已舊受恩寢深前日預聞朝廷末議今茲攝事省闈不當以斐然捍格自弃諸儒之後輒夙夜齋祓撰

詩一章前倂倚那後訂清廟刺取經誼以輯其辭又惟
三代以來娶止一姓姪娣有序勢不相踰故配食納寢
止一后而已由漢而下盡革周制繼室誕聖均極尊名
而諸儒拘摯仍執故典競無實之偏論破適世之至權
遂使漢祠別園梁建小廟礙禮不厭抑感弗通罔極之
報則篤于一情以時之祭則判為兩祀列辟未悟庸可
嘆哉且善教者不拘古以妨今善禮者不後情以先物
唐明皇帝合于合祔失于叙升故一王之典闇而不昭

先帝獨啟聖慮順躋二德侑太宗之尊陛下述遵前憲
寅奉二章參文考之祐然後天下之議披聲發節知前
古之謬闕當今之適宜親親尊尊絜然無惑故詩之所
陳揚揜熟復繁而不簡亦咏歌不足不知舞之蹈之之
義焉臣某頓首以聞

孰順其祀明明天子天子謙讓詔羣臣其議惟章獻章
懿遂祔先帝宜索而典而古而今順攸宜慰我孝心
羣臣稽首不遠厥成伊先猷是程伊大孝是經匪祥符

孰從則莫我京三代廟寢止一帝后漢制已遷儒臣罔
究禮缺不稱因樸趨陋親靡祔尊神挈斯祐帝曰俞哉
予奉二慈匪曰無典實成訓是依促灼爾邇爰蒞爾儀
琢金追玉昭款信辭不敢先後惟以順躋孟冬十月大
饗其時朕不憚勤于庭遣之吉日辛酉帝自文德至于
大慶奉寶授冊永懷劬勞孝貫天極虞賓在位百官承
式顯顯太歲惟冊寶是將和鸞有容旗旗孔揚既至于
廟是承是告奉遷后主合侑文考有主則止有匹得行

遂旅豆簋以及芼牲明水太羹有飴有澄鼓鐘欽欽鼓
瑟鼓琴考悅妣安蠲我德音德音維何帝受純嘏不專
斯饗用赦天下開釋罪辜賜逮九軍一人作孝庶邦蒙
仁禮非天作托始于聖聖克正始萬世攸定作述交善
神人胥慶天謂皇帝既付所覆帝克孝治奉親以脩其
收丕祺蕃衍後昆萬有億年繼繼存存

上許州呂相公嗣崧許康詩二首

并書 案宋史
呂夷簡傳夷簡

封中國公景祐四年夏四月以鎮
安軍節度使同平章事判許州

十一月一日尚書刑部員外郎直史館宋祁敢再拜奏
記相國申公執事竊聞古者堯有四伯是為四岳實佐
文命降宅九州帝庸嘉之故賜姓曰姜命氏曰呂在周
宣時有申甫者能左右王室以興周道國人美之為作
崧高之詩道降神之異仲尼掇焉以什于雅在春秋時
有齊許者盟會糾愚幹不庭方以大承厥祀有祚在下
史世有家為諸侯選由是言之呂姓之衍于申曼于許
厥惟舊矣恭惟相公憑極天之峻秉蒸民之彝慶叢祥

發與聖參會言行而帝采亮謀奮而天綽和散為九功
宣為六德沛如淵回湛若陽休勩相丕后十有四祀助
薰燎而郊者四導農輅而東者一而鬼神無遺歆戴斗
之使歲通戎蠻之賁月來而疆場無猜侮士之賢者進
無能者退邦之不足者與有餘者取而上下無尤違三
辰澄霄百穀露野佑我不業格于皇天跡夫感會之隆
幽贊之協要可知已有太岳基其兆有申甫奕其先有
齊許蕃其系靈光孫謀是相是鍾天而未忘叔仲之德

是故復申之字以陪敦章大即許之舊以濟美顯庸傳
曰惟其有之是以似之公之謂矣某不佞學于舊史氏
知吉甫史克之作以事美一時託文見志遂得聲滿天
地于今稱誦不自知量謹作嗣崧詩五章章十句美公
之國于申也許康詩五章章十二句美公之安平許也
立言之體畧細語大故推而上之以及于祖辭必欲類
不容虛美故循而下之後及于公古之賦詩義取卒章
焉嗣崧之亂曰壽考是承士大夫之祝也許康之輯曰

帝曰還歸邦人之志也雖不足雍容揄揚其義肆而不
隘輒因誕日之慶繕寫馳獻侑奉觴之餘歡伏惟一加
觀采裁貸其罪不宣某惶恐再拜

嗣崧詩

嗣崧大丞相四岳之後復國于申也

彼嶽惟崧天作其神嗣生我公我公斤嘉猷矢陳柄
國之均帝親命之纂成前人不顯其道惟申是保公邁
厥德祇祇冀冀柔嘉而直模我彛倫揉我方國施于夷

猶百度是毗庶績允熙罔敢不恪惟公是若帝詔執事
徹申土疆衍沃腴良賦輿溱溱莫樂于申昔在四岳佑
堯象禹為國心膺受民作邦于今以光帝告于公紹胥
爾宇憲是文武如申如甫為周之輔誕錫爾祉惟申甫
是似乘車錯衡淑旂英英式邁其榮公拜稽首敢揚王
休祈天之久為天子萬壽彼嶽磐磐松柏丸丸公福祿
實蕃有崇而罔有大而陵公壽考是承

嗣崧五章章十句

許康詩

許康申公均政勞而康乎許也昔四岳之裔在商周間
有申有甫有齊有許而公又作屏焉邦人宜之故作是
詩也

許麗而康岳孫奠之曰公之屏實維似之公徒增增朱
綬綠縢不懸不驚鉤膺鏤錫稱奴顏行噉焉綏章總我
列侯式時南疆公之相攸孔樂于許其原膺膺其川許
訐有苙禾麻有京稷黍藪焉麋麋渚焉魴鰈有李有桃

有柘有檀樹我之園令居則安公視于庭師兵翼翼孔
武有力公適于府陪卿髦士罔不就緒公宴于堂嘉賓
我從琴瑟鼓鐘或揆或掇靜好鏗鏘萬舞有容左拂其
殽魚鼈燔羔給鮮于庖右烝其藪筍落蒲菹柔嘉惟馥
旨酒且多其飲溫克攝爾攸儀侑公宴嬉俾胖而樂俾
艾而耆明明天子股肱一體于蕃于宣邦人咸喜主芣
之山浚漢之渠弗童而材弗竭而漁皇惠斯人俾公焉
依公報其成帝曰還歸

許康五章章十二句

五言古詩

夜直省舍

省舍諸吏休前軒成獨步月色淨
半首星痕隱溫樹稍聽班馬鳴
獨見昏鴉度索居易興感幽抱
覩誰晤自問淩落姿胡櫻文墨務
企歡無剩娛即事有盈慮遠寄江
海心冷風儻能御

省舍晚景

日稷城陰生塵露稍云歇密樹抱烟沈高禽映天沒外
物既不擾清機亦徐發何意義皇風吹我襟袖末少駐
北堂陞娟娟待明月

正言田學士汎書言上庠祭酒廳北軒予所種竹
滋茂

昔承上庠乏蒔竹北堂軒飭吏勤浸灌冉冉榮孤根日
晏到官下對賞忘塵喧海月影宵祀天風籟晨顛去年
主人斥負謗為淮藩後來異好尚欲諉不敢宣何幸覲

時哲乃加封殖恩千里走書驛語竹遙相存不才好冷
局異日期歸旋千萬屏剪伐勿令孤願言

仲夏愆雨穉苗告悴輒按先帝詔書繪龍請雨兼
禱霍二淮瀆二祠戊寅歲祀已卯獲雨謹成喜雨

詩呈官屬

盛夏挾驕陽干以構炎燠歎塵坱天益烈御煽雲漢稻
穎茁然秀涸流不勝灌田畯邱歲功釋耒共愁歎太守
泰農使閉閣重慙惋曾是謬政綱曾是濫囚犴一食三

失匕冀亦思過半馳祝訴羣望願以身塞譴先帝隱民
瘠致和格靈變圖龍著繪法令甲布州縣愚計不知出
奉行安敢慢外日築層壇丙夜封舒鴈奉匝再三跪信
辭靡虛薦幸勿為龍羞敢不報神眷翼日耿弗寐徂野
視宵奠幽血粲靜蠲執事便傳讚薄誠蒙昭享距躍私
自忤回車未及稅雲油默焉徧窮海遂涔涔籠山茲漫
漫旱麓衆卉蘇焦原暘氛散寸苗蔚如握新波鱗欲渙
何意一溉窘有望千箱衍揆予乏嘉績聖詔仰成憲恤

祀神罔侗昏作人胥勸抒藻拙言詞竊用慰羣掾

長葛道中作寄侍讀梅給事

仲春告言歸道次古長葛水窮既舍舟僕具始脂轄南
登高原望天宇莽廓豁溱澹無波采駝森相軋春鳩
日夜鳴陽膏淺深達田畷挈壺漿稚子勤襁襁驅牛洒
先槎趣車載輸秭郊柘色欣欣梢溝流活活縣官恩澤
美農節未嘗奪賢牧謹詔書民隱罔遺察射蠲贅聚勞
鄉兵初免閱射賦檢誅求猾我亦占一屢聞茲慰饑渴矢詩雖

不多要附許風末

去郡作

解龜淮陽區浮鷁暮春月州民擁前道重為使君別尊
酒卻畧跪絲管參差發共謂君此行寵命煥朝節進伏
丹泥祀勉之奮芳烈使君慙且嗟處躬素衷拙雖爾荷
賜環安敢冀榮輶頓首謝上畢行當避時傑願移邦人
愛孤根保勿伐

壽州十詠

案十詠題熙熙閣白蓮堂清暉式燕秋
香柳鷗齊雲美陰望仙清連等八亭今

缺美陰
亭一首

熙熙閣

東譙已自高復此構層宇誰謂淮南遠風物美無度飛
岑納畫碧流月遺宵素揆予乏仙氣樓居庶可慕

白蓮堂

堂皇敞而華欄牙照池水鈿葉矗新團玉葦絮繁鷗游
鱗竟潏潏幽石仍齒齒寄言採秋芳何必涉江渚

春暉亭

涉園憇何處道左蔭華棖幽尋乏朋往勝晤徒自知文
禽弄不歇惠風至無期含情重徒倚物色到霞霏

式燕亭

使君班春還于焉衍吾屬四阿住翬棘聊以便涼燠棟
表飛雲逝題端邀月宿無德與斯人式宴良自恧

秋香亭

蘭菊被秋坂危宇冠層巔雜樹自隱日修條爭刺天石
斜苔附秀樛窮蔓倒懸擷英欲誰遺佇立徒娟娟

狎鷗亭

昔人有機心鷗鳥舞不下太守心異昔寒灰與時化爾
既不我猜余亦無爾詐隨波以全軀于茲伴多暇

齊雲亭

肇允締層宇宮宮少城隈憑軒肆師子

予始創北下臨
都塲時于此閱

武中坐合賓壘白日披霞上蒼山障霧回春言西北道

吾師安在哉

望仙亭

嘗聞淮南王雞犬從此去至今山頭石馬跡尚有處使
臣辭從官終日絕塵慮望望雲漢間想見賓天馭

清漣亭

煙篠環曲隄飛軒俯幽渚水容靜可鑒倒見城頭樹青
蒲直矗爾秀白鳥瞥然去勝晤與時新遂歌奚能叙

草木雜詠五首

楠

童童挺十尋一蓋摩空綠斜月礙枝回涼烟附葉宿拙

斧無妄加要經匠者目

藤

虺蔓相結蟠虬梢互回屈紛若未契繩繁如已綸綍峭

格外團陰尤堪庇炎日

案此詩宋詩存缺
結韻作五言絕

楸

四時開
花作實

紺實紛纍纍柔柯緩若若葉以代新陳花仍開續落味

雖不常御香能破醒惡

俗傳醉者
嗅香輒醒

海梭

哆熾風葉張罔皺雨皮厚叢檉列葢端攢旄注旗首物
以希見珍材緣怪志醜

枇杷

有果產西裔作花凌蚤寒樹繁碧玉葉柯疊黃金丸上
都不可寄咀味獨長歎

塞垣

塞垣八月暮百卉已淒然沙驚甌脫路霧暗單于天衛
霍始開府辛趙數屯邊塵霜戟金戟攢月駛飛鋌彫弧

六鈞勁犀札七重穿一戰薄瀚海再討窮初連露布報
天子稱鵬壽萬年

春集東園詩

并序及李獻臣
以下六首附

春集東園詩者端明學士獻臣李君翰林伯中王君天
章侍講原叙王君館閣校勘景純刁君永叔歐陽君子
莊楊君暨子仲月既望之宴所賦是集有三勝焉地之
勝則如左睨都雉前眺畿隄林簿灌叢鋪茶自環時之
勝如載陽之辰最慘僚舒惠氣韶華怡豫天區賓之勝

則如朝髦國俊清交石友駕言相從簪盍就閒三者先
具吾人所以擠天下細故徜徉蕭散而自適其適也若
夫頽擲仰援有鵲有枚參行迭饋有歲有醪時哢嚶然
可以悅耳野芳芄然可以藉席輕風舞于快餘鮮雲曳
于矚表樂斯咏咏斯陶僉謂會之難常詩之可以羣也
俾永叔列韻坐者陳章予與題辭焉以詒其美昔鄭區
區一寰內侯使七子從趙武賦詩以觀鄭志陽秋尚之
今多士樂事萃此王國選言足嘆一出治音使如武者

觀諸君之篇則知賢鄭人遠矣章別十二句句五言雜
附左方云康定紀元之次年序

賦得筍字天章閣待制宋祁子京

茂氣遍春達結客並游軫勝踐屬園墟歡言駐駟引跼
情適野豁遠日向天盡林馥樹纔花町疎簞未筍飲來
無留醵嘲往有餘鞦耳熱謝時人戚戚良可憫

賦得藥字端明殿學士兼侍讀學士李淑獻臣
東城桃李春結客玩珍藹試過辟疆園兼屈中郎展

筠苞煙蔽虧柳帶風眠起岸幘藉芳芳銜杯嗅新藥
留連魚鳥適放曠山林喜意賞殊未闌更作櫻廚擬

賦得葉字翰林學士王舉正伯中

芳辰聊命駕郊野賞心愜亭幽路鬱紆樹密花重疊
暫紓朝紱勞喜與朋簪接談麈逗松枝宴賞澄竹葉
含和寄蕭散選勝窮登躡行樂且躊躇此遊非日涉
賦得萼字天章閣侍講王洙原叔

燕退朝事希鳴騶出雲閣近遊速朋彥名園接閭郭

幽芳尚閒整新機已清漠歡談一坐傾遞飲百分涸
我亦醒而狂遵溪縱行樂晚駕方惜歸正中墜香夢

賦得翠字館閣校勘刁約景純

託載東城隅選勝名園地不問主人來聊適尋春意
簪花照席光藉草連袍翠烟霏遠樹迷風獵繁英墜
促行激灩觴少駐雍容騎四者信難并安敢辭沉醉
賦得節字館閣校勘歐陽修永叔

綠野秀可餐遊駿嘉初結芸扃苦寂寞禁署隔清切

歡言得幽尋況此及嘉節鳥哢已闐闐泉流初泱泱
紫萼繁若綴翠苔柔可擷屢期無復時芳物畏鷄鳴

賦得薜字館閣校勘楊儀子莊

芳節未晚晚名園好澄霽停車沒徑苔移席傍叢筍
蝶粉留紅房蜂鬚抱香薜微波生酒杯輕吹拂衣袂
何當名教樂況復昌時世歸鞍惜餘歡陽鳥不可繫

七不堪詩七首

并序

昔嵇康有書抵山濤自謂有七不堪恐不可居世雖抗

言自任亦篤性使然予年過四十抱支離之疹移告時
滿三月臺家未之効也而因病成老習慣成愆向之不
堪予皆有之矣自念官在史氏執筆右螭不容頽放矣
安于無用聊作七章自歌之亦自儆云

一不堪性嗜日高寢疊鼓震餘夢星毛欹倦枕冠劍朝
已盈當關視門闕

二不堪草野樂垂釣潑潑錦鱗游籊籊翠竿掉夕負槁
桐還行吟面煙徼

三不堪坐痺不得搖湯沐乏薰濯蟣蝨喜爬搔俯惕板
在手回慙緩結腰

四不堪不喜謝書疏正無刀筆能拙作餐飯句自勉信
非長愆酬亦逢怒

五不堪未始臨喪弔倍重秦失號禮譏老聃笑勉順當
世情為哀損真妙

六不堪不樂俗人共聒聒沸蜩集紛紛臭孥衆怒遷多
市色禮煩方聚訟

七不堪束紳對文案吏若鳬鴨趨文驚朱墨抗自褻安
所能深心託蕭散

庫部閔員外還都

望郎東南秀齎然悟真理身雖宰官身子即諸佛子畫
諾閣鈴下塵慮未嘗滓成金不復礦見月詎存指東道
整朝珂西亭摻離襪無用樂山林山林即朝市

葵

剡蘖染新藹插鈿成密房仙人文玉字宮女道家妝聞

說藥間路能令肌骨香

景文集卷五

欽定四庫全書

景文集卷六

宋 宋祁 撰

五言古詩

和登山城望京邑

子牟懷魏闕陳咸思帝城他鄉豈不美吾土樂所生
況復撫凋節憑高懷上京山川不可見葱鬱凝神縣紫氣
抱關迴玉斗侵城轉負羽長楊獵撞鐘平樂宴高冠照

華蟬英俊皆比肩朝奏主父牘夜召賈生賢五侯交薦
幣諸公亟為言我生流離極十年悲去國葉願洛陽飛
魚寧武昌食當棄關下符一對危言策

送平陸知縣尹象先

之子被尉薦走馬赴關西西人待賢相撫育庶有宜羌
羶汙右鄙秦隴含創痍健將貪匕聚若柵猶鱗差四年
結不解糧餉先自疲兵分勢已弱賊入縱橫馳營陣訖
不立安得張吾師比來守禦計尚復紛相訾子今位苦

下何由能奮奇悉力字羸瘼姑守簿書期

次陝郊

驚風吹客夢西落劍南天自問何為爾官牒見嬰纏遽
傳非久舍黎明徒御喧俯輪千仞底仰轡百尋巔憑高
一以眺野氣正蒼然崖奔仆僵樹湍躁啼荒泉羈禽易
去木奔麋不擇阡撫物重增嘆去邦邈以綿何為久行
役坐使歡心捐

提刑使者還嘉州

使者艤行舟是行及淒序祖帳俯平沙從騎羅前渚一
進酒惟醴再進鮐及鱖遠客已少悰況將暎宴語勁風
自薄林寒流稍分浦訟矢久已閒農坻矧就緒歲晏亟
言旋無為負延佇

提刑勸農使者還嘉州

案部聊北征肅舲復東下江溜澹泱泱檣烏紛雅雅離
醑不餘杯征棹亟沿洄遠岫隨時見幽花無候開清氛
霽平陸林芳信重複焚路繚山顏駝田耨巖腹屬此屢

豐期仍當省斂時
擊壤係途樂餘糧
尋畝棲嘉陽信嘉
處時與賞心遇
霽樹抱空輪寒濤
下翔驚還轅眷仲
秋
秋序日方邁歸諾
果無負遲子臨江
樓

雜詠三首

有客款我廬念我
衰暮齒自言上真
書有藥名不死黃
金乃能化白髮安
足治謂我刀圭餘
已足度年紀驅還
扶桑面黃昏付蒙
汜主人詭謝客吾
生本塵滓少來誦
詩書不識怪神理
驚聞河漢言浩然
弗知俟今也病未

能異日從吾子

金爐焚蕙草香播蕙已灰郁馥誠可貴無乃為蕙災上
瓦編翠烟下礎挺沈質所用不必同相濟成宮室

樂羊振歸旅光艷充國都矜心激盛氣奮若長虹舒君
王勞軍罷為出一篋書避席再拜跪功非臣所圖不待
一盈篋寸書已有餘成功在主君斯語不可誣

玉玫瑰

瑤楮鏤空濛冰紈捲重疊寒光欲衝斗迴秀難藏葉誰

碎辟邪香氤氲飛作蝶

劉伯誠見惠僕所作中山雜詠石刻

衣冠昔奔波晉社亦中徙水府擁宮闕六姓傳劍璽名
卿入理窟黔首多兵死真人刻墉障六合如平砥三山
屹不化城郭無形似冥冥桑麻村殘鋒出耘耔前朝絕
遺老故事稽野史我頃為中山蠲租案田水剡木枕波
濤礮刀伐荆杞叢祠及荒壠幽處無不履車停客登席
酒盡詩在紙游深造遐邃語苦出奇詭投囊凡幾時蓬

塵失料理劉侯見之笑謂此那可毀濡毫請揮灑買石
親鐫紀嗟予政理疏無德行農壘編民願尸祝有愧庚
桑子惟茲楚客謠可以傳下里何時見椎擊斷仆清江
尾

寫懷寄獻樞密太尉

僕本草茅人守植自有素偶與力運偕牽絲及榮路矣
將保獨行安敢邀詭遇朝躋綠霧閣夕舍金馬署鷄志
屈鴻翼珉質謝瑤圃內省實空虛焉得久留處悟非不

必老斑頌況云屢竟獲一麾來果此避賢趣載以朱幡
車佩以銀符免君寵寄華冕癯醜不成惡淮郡梁楚交
刀筆紛民務粗欲逃官責何暇收民譽平生覲宗工亟
為拯淪誤慙負知己言遂貽越鄉慮何圖霄與泥肯問
簪與屨辛勤風波事尺牘奚能訴代馬愁南嘶鷓鴣憎
北翫所應明主恩未理歸田馭

瓊花

唐昌觀中樹曾降九天人鑒駕久何許雪英如舊春豈

無遺佩者來效捧心顰

抒懷上孫侍講學士

僕本寒鄉士始願託田隴偶與亨會并遂竊空名寵冀
胄信清閒文書無倥傯牽絲玷外舉挾冊陪春誦縹帙
芸葉香清池壁流壅雖均五能知猶冀三陌踊有志慕
孤直多言畏奇中往往犯怒狙時時遭嚇鳳脅肩方病
畦洗足幾成漣言充衛士黷賦蓋吳人覓但望不汝瑕
安能賈子勇叢雲屬帝辰烝汕樂賢共前追三代風旁

鼓天下動方正召華卻賢良命晁董務擢平津對無罪
賈生慟哀然羣儒來爍若春葩縱咨予苦澁訥望風猶
陰拱愁多目似蒿疾久帶移孔直慮醒而狂遂同微且
虺三千御上方八九吞雲夢訂正清廟詩白罷旅焚貢
夫寧本無志良憂拙於用擊轅固歌鄙殢金誠外重中
夕撫躬嘆明恩愧孤奉況復年冉冉坐驚頭種種間居
昔有潘廣宅今非仲塵容化衣襜雨氣昏刀韞所賴庇
明慙盱衡顧間冗每辨驥垂耳力排儒發冢不爾謝病

歸鉏釣事江封

溪上

溪上玩秋水使人意自清烈烈回颺餘鱗鱗夕浪生有
魚可垂餌有蒲可芼羹況值新酒熟鮭菜辛鹹并興來
命一樽樽至壺自傾便置人間慮浩然滄海情

送行

秋日苦淒淒味若蠶白辛如何多感地更送將歸人高
蓋浮清旭長纓縛素塵慘色動車僕離言發坐賓霜珂

響征馬星脂滑行輪契濶何所道良飯自寵珍

曉櫛

曉櫛理斑鬢蕭蕭徧愁顛多病始計日蚤衰不待年青
青固未幾種種今乃然寡髮有巽象施髮慙莊篇且復
委蓬葆言就東山眠

筠亭

山阿彼有人葺宇映修竹露籜新舊斑風梢動搖綠此
君自虛心主公今實腹

送屯田張員外

飛霜逐凋節歲籥忽已闌奈何送歸客置酒長江干十
載始一遇別易會故難此地嗟素領昔日皆朱顏詎意
前歡餘更為後感端行舟望不見留驂相與還芳訊幸
無保時付凌風翰

古意

薄宦若秋蒂飄然去林枝盲風不我愛吹墮清淮湄淮
南苦慘慄九月繁霜飛晚蕙相為歎崇蘭偕此衰凋落

雖云苦芬香終不移但願陽春動要當三秀期

秋氣

清濁還二儀秋氣颯然肅溪潔潦已殘林疎條自矗寒
蛩思長堦歸燕眷華屋周年自茲始鄉懷念松菊

感舊送虞曹楊員外

曩笑長者言感恨歲時遽不云笑未幾倏已及哀路却
懷眼中人落落星向曙寧無新相知論新不如故夫子
惠然至適慰離羣慕締交三十載契濶不同處醜老向

來妍鬢黑今也素伐木喜求舊谷風念將懼我顧濫榮
班君乃嘆奇數根抵假容進纏牽以長誤久領一麾行
江湖極沿沂杯酒曾未款僕夫告方具前樂暫還衿後
戚已盈慮丈夫固有志膂力經世務何必常相從卑若
堂下屢歲滿亟來旋中朝著翔步

擬杜工部九成宮

雲山鬱嵯峨宮戶莽輟輟摧峯隱馳道鑿岫啓繡闥游
鷗邈飛鬪陽馬恣陵突危淙注銅池翠潄潄崖骨落虹

拖晨軒奔蟾守夜窟憑高眺鴻洞念古一超忽咄嗟有
隋後締構窮剗剗徒矜昔日工乃忘後世拙居為唐家
保功業何汨汨牛酒望幸民巖廊衛守卒殘松抱空偃
臥楊委新伐千載徧荒愁金鋪鎖嶠岑

望仙亭

淮山相蟬聯萬景歸宇下來波澹天未歸霧滅巖罅淒
淒草色繁肅肅桂叢亞吾人愧攸館僊屬冀來舍

湖山

一水抱天回千巖互相映寒湖留沙痕狂峯貫霞景持
此寫琴心寧無子期聽

勸酒

酌酒奉君壽勸君慎勿辭只今舉酒罷已異行觴時波
瀾前後來日月分寸推稚容不耐久綳領無停緇獨醒
信勞人茲事定何悲假令古無死晝夜常委遲正恐爽
鳩樂後人非所希

種竹

世皆笑幽獨可不少自貶種竹南軒間亦足以相驗況
茲歲華晚衆卉日凋斂清節良自如栽培匪為諂

涼蟾

涼蟾嚙殘雲飛影上西廡鵲鴉依空牆蠨蛸已在戶君
行閱三歲确戰亦云苦新衣本自綻故裳復誰補朔風
萬里來儻或從君所風過無傳音徘徊獨愁子

楊秘校秋懷

上天分四序素秋獨可悲風商勁危條寒露鮮繁蕤依

依燕去巢嘒嘒蟬抱枝撫物喟然嘆流光忽已馳危衿
憑新壯華領移故綯願君策高足無後功名時

涼風颯彫年遙昔耿多慮冽冽寒螿鳴離離客鴻度之
子懷茂器有志康庶務未蒙徐樂召方感董生遇道局
駿願違絃絕危響赴此際怊悵情偕之歲云暮

治畹當樹蘭治林當植桂蘭生可香國桂茂絕蕞薈邈
哉志士節所趣與人異意經千古上心包九垓際道勝
外物輕矧復韁鎖細所以搶榆者局局笑鵬翅

真珠龍柏

彼美夜光喻益之新甫名累累雲際艷皎皎月中英勿
誚素為絢相期隆德聲

度飛石嶺

人不怨飄瓦何用罪飛石石墜不可常人值亦其適去
去走嶽釜千金幸自惜

擬王右丞瓜園

荷鋤往瓜田煙蔓紛廣疇植杖未及憩有客眷林坵騶

哄羅戶前冠蓋蔭道周進客北堂上藉以氍毹柔持盃
再三跪酌我清白醉時時高興酣矯首望神州長衢貫
廣陌及宇注飛樓惠風林間翔早暉花上浮新葉向蒙
密轂雖已啁啾時哉物可玩況復忘吾憂故人心儻爾
駕言時見求

寄題宮師相公宴息園

相公納衡樞卜築來東里恤他匪足尚自適乃云美中
園興夷爽薄言謝朝市壤石非遠遷松竹皆故詩絳臨

謝游軒素波鳴襖祀遐蒼眺京隩側縹抱嵩趾畦塍互
演漾灌薄紛霍靡萃萃相向山濺濺自流水高雲靡還
期冥鴻無慕理公時挾勝想竭來遵逸軌逢觴即陶然
坐樹亦欣止冲情舍天倪妙歌怯物類揮金屢空鑑愛
客輒留屐式俾衛公壽弗取安石侈有守卧淮壖聆風
竦予企他日果西歸角巾望松梓

小渠

唐溪析春溜一股入清渠循庭始演漾走圃輒縈紆淙

淙漱幽石唯唯泳纖魚瀑來聊激濁澄罷復涵虛恃源
纔自潤流波愧挹餘

曉過二里山

黎明走蒼山千仞勢如削北斗挂西巔徘徊久未落驛
道轉巖肩人烟聚岑腳太虛交昏旦顥氣自噴薄陽光
排暗升陰氛值明卻翔禽散喬枿啼狖思空壑逢隈霧
尚屯投險泉爭躍生平好山意每遭事嬰縛安得乘冷
風窮躋叩寥廓

思賢閣圖子真愧而成咏

忝中二千石罷去輒圖真揆予本完士蚤蒙善養仁執
笏班華位飛綏侍邃宸如何金紫服乃裹坵壑身西南
一面重竭來駕朱輪牽拙歲再期初無德在民形象安
足紀崖畧聊自陳質陋眸子瞭志泰眉宇伸誰謂彼其
子而傳阿堵神爵里三十八

自參豫呂公而下凡四十
一人雷太尉張尚書程樞

密皆
再至

赫赫多名臣瞻前謝前哲垂後慚後人

九日藥市作

陽九協嘉辰斯人始多暇五藥會廣廬遊肩開相駕靈
品羅賈區仙芬冒閨舍擷露來山阿斲煙去品鐸載道
雜提攜盈簷更薦藉乘時物無賤投乏利能射饗苓互
作主菱薺交相假音架曹植謹雁令韓康無二價西南歲
多癘早濕連春夏佳劑止刀圭千金厚相謝刺史主求
瘼萬室繫吾化顧賴藥石功捫襟重慙惜

景文集卷六

欽定四庫全書

景文集卷七

宋 宋祁 撰

五言古詩

迎春曲三闋

青陸斗杓回河內動新灰冰際綃紋綻雲邊鶴影來漢
宮行慶罷花樹剪刀催

東郊風馭軟嚴署漏籌添柳拂將軍壁梅飄公主奩舞

衣裁幾許新人解織練

荔達楊膏動冰解水紋融天花四面碧日氣幾竿紅不言雙燕晚為嘆玉箱空

散關

磴道何盤盤百步人一憩弭節高山巔關存不置吏昔緣暴客須今為有道廢

和成上人

西山有尊者秀出於稻麻徧參居第一諸佛素所嗟錫

聲來赤縣被祴垂青霞流出一切妙普見大千沙我法
果無在昧者茲有涯是凡方是聖歸正即歸邪妄懷萬
緣息舉意千里差有客謝病免清辭春月賒靜眠金粟
室壓坐馬融紗伯氏比多齋
薰動或累日觀化晒輶勒自呼嗤鏤鄒
瞻言世外友相期心不遐揮斤郢匠室流水子期家披
雲示駛月拂果去空花師嘆未曾有君對無以加清襟
互默遣所得非齒牙層陰朋盍阻坐情丹霏斜涵毫泚
仙滴抒藻揚晨葩

水文疊石

曉波清蒼痕。激翠將腐奔。濤已東。決磊塊溜不去。巧匠取之。出入資園亭。趣陰罅。齧餘苔。寒凹逗輕露。彼怪子弗談。不轉吾所慕。

遠行

楚人巧。悲秋分作四種戚。最極有遠行。百感攢羈臆。林鳥戢和弄。屯雲獻慘色。客久歸念長。年驚壯圖窄。撫物盈近嘆。驅騑擁遙側。曉斗亦告勞。垂杓卧樓北。

早秋有感

一葉飛足驚要是變哀始毛澤自茲竭多露方夜委涼
蜩抱空號腐鱗變幽燬怛然感物化鬚髮不常美義和
鞭白日已復向濛汜功名未及見軒冕胡足恃坐客憫
予憂粲然啟玉齒輟嗟謝諸郎長年行自爾

讌集

素節修已宴高風送浮涼拂席進賓客醺酒羅壺觴黃
雞跖跖美紫蟹螯螯香莫矜來歡早須念後戚長奔川

無緩瀾徂日不還光願客且安坐調絃未遽央

水月

渺渺遡雲波盈盈祝霜馭碎壁擁舟來流金映沙聚夜
寂波已休何人薦真趣

和君貺學士宿淮上見寄

使舸既還迴淮溜劇沿沂我行非不遠君節自前路烟
汰歷濠汭霧氛逗荆樹感此言邁情慰予索居幕曰歸
歸未長慘別別已屢努力保素衿天途遲還翦

鈴轄冒上閤就移知雄州

聚散非一端賢逸難兩遂擁節北臨邊安得久交臂此

行詎不遠印瑞三且二

拜官領職自東閤以降凡兼五名

背劔車炙輶

徑秦驂舞轡雄州乃劇藩喉領塞南地譯通老上庭道

係單于使適館授主祭乘章交客贄列戍儼趨風諸將

走咨事應變君所長立功今可冀君家誠易知世烈在

青史齊楚異姓王陰鄧后家里券字金對行戟帶霞交

尾濬源無近波高峯本洪址行矣勵壯猷公侯當復始

常山楊氏有二怪石奇險百狀田曹張中行家雖
陽徧見都中諸家所得異石皆出此下予他日思
之恐常人忽而不珍作詩以詫其處并邀中行伯

逢同賦

塊然兩奇石譎怪狀難悉千仞裂嵯峨一氣與嶠萃四
隅蘚剝膚萬古雲漬骨補餘天所委隕罷星不沒橫蒼
對偃蹇怒翠競騰突神媪祕弗露狂鼇扑而失由茲落
人寓得用玩奇質屹如不可轉挺若無所屈鬪虎攫餘

痕乖龍卧殘窟撐掉壯士槩奮立直臣笏危頂烟夭矯
窄竇雷鬱律濤頭縮不展魑臂憤相猝變現載靈牒呵
護費神物窮餒苦陋庠珍碧恐湮汨各保堅臧姿以待
封山日

反騷

我聞上天樂仙聖並游賓離騷何所據招回逐客魂
魂無上天謂門有九關虎豹代守閤砥舌饑涎流觸之輒害
人譏呵自有常帝意寧不仁窮壤苦恨隔傳聞恐失真

我欲稽首問無梯倚青雲塊然守下土此憤何由伸

懷三封墅

寡求願易足久計還中林君恩容有報宿留

音溜

未抽簪

淺謀乏經濟流景倏頽侵企翰羨鴻蕭俯泳愧魚沈
榮名非不勉高坻良可歆奈何賈生慟又將莊舄吟
投沙乃聞古懷春方在今

三封何所懷懷我東南畝方春原田秀是時簷笠聚
杏花燦晴落菖葉甲陰浦泱泱雲抱岑眇眇林鳴扈
野老

攜晨饁薄醪聞炊黍安知五熟滋但慰四友苦日作夕
還家烟火青林下嗟我仕易稼窮年宦三輔誓畢尚生
累將從平子賦自省非大人請事學農圃

風雨

昨夜東風急疎牕薦雨入溪南梅正花狼藉隨塵沙皓
皓多易汙不得同春葩春葩能有幾紛紛入桃李時哉
小興衰人生猶物理明發簷沈聲鳥雀喧新晴老農脫
襪襖一犁原上耕

秋興

西顥肅涼氛天寓正岑寂淒風條末吟浩露林下滴寥
寥燕辭楹促促蛩在壁池潦湛寒綠鱗雲屯晚白齊紈
不復御桃笙已復易嗟哉無壯士翻車忽西匿有客過
我廬問我何悽惻氣索不能對披襟長太息

金雀花

疊葉倚風綻翩翹凌霧排齊名仙母使寫樣漢宮釵俗
眼未應妬忽憂珠彈來

浮屠

乞食古為恥浮屠名自修
黎明抱應器罍中飫乾餱
果腹固其願之藩非所羞
歉歉常不足遑遑茲有求
素飽聊安坐調饑復來游
顧爾殊靈輒翳桑何用酬

四季花

羣葩各分榮此獨貫時序
聊披淺深艷不易冬春慮
真宰竟何言予將造形悟

雜興

寒暑亟徂謝日月如崩波稚容不再妍戚戚奈老何聞
有避世客安處西山阿手操九籥契晝夜養丹砂藥成
可化金舉身凌紫霞我願從之游脫身此世羅辦裝秣
吾馬臨路更自訶古來松喬流矜已好浮夸萬一為藥
誤得無我計差速還具肴酒毋為後人嗟

河東有賢守帝念不能已欲置之大夫徵軺疾於水留
邸月餘罷君恩詎可恃召以一人譽去由一人毀

鉅平名世賢媚者強相軋毀語填君聽亡吳計中奪人

生不如意在十常九八茲事可奈何惆悵千載末
殘暑辭遙夕初涼澹蕭辰燕索西飛伴雁作南來賓霽
巒靜矗矗遠水清鱗鱗由來搖落恨先付長年人

錦亭晚燭

長夏宜高明緩帶散煩窘憑軒一超然目與天共盡山
從雲端現日就林外隱風來草樹披烟生井間近自公
況多暇冲臆無留蘊即此可宴居何須事遊軫

初伏休沐

伏時詔休偃閉門謝朋儕義和挾升陽晚氣紅崔嵬炎
林鬱歎霧焦原橫赭埃怒甚岑岑雲早始隆隆雷況我
庇茨宇煩襟安得開囚拘訴巾幘仇怨被酒杯湯沐未
及具反為蟻虱咤北風殊杳嘿義人安在哉

遊曠

顥風肅九旻樓榭注明迥林爽無剩繁溪澄有餘映四
阿延清霏六幕盡高興號枝蟬腹厲掠野鵲拳勁山意
日久高差差挿空淨

送蔡元翰賢良昆仲

美箭出東南之子裒然秀綽綽今兄弟茂器偕年就九
流無近討六藝乃遐究詔書求異等二惠茲來覲牘均
方朔多輻比吾丘湊蹠足螳封場刷羽桐花園孤音或
少和至寶不期售肇允褰褐衣薄言返巖竇江臯看魚
樂山徑懷雄嗅無忽豫章材行參栢梁構

送伊闕鄭著作

君年已艾服沿牒困風塵硎新始發兩鳴晚逾驚人母

辭滯下邑姑欲慰斯民此路塵車往明年郊雉馴恨乏
雙鳬舄從子伊水濱

攬鏡

晚匣寫菱影試觀憔悴顏支離骨不媚蕭颯鬢垂斑安
得長康畫致之巖壑間

望月西廡作

夏琯脩己新夕杓見南指孤月霧中來餘光淡前祀賞
襟初不淺極睇天漢涘浮雲竟未還多露已徐委太虛

本自寂遊氛強為滓安得千里風披霽玩澄暑

歲豐

皇天降豐年本憂貧士食貧士無良疇安能得稼穡工
傭輸富家日落長歎息為供豪者糧役盡匹夫力天地
莫施恩施恩強有得

題信相院默庵

對言方有默因默乃名庵庵留默不遣一物遂為三龜
掃泥中痕正恐力弗堪自問呵默者了然成妄談

感懷

夕風披前林，墜葉快如翦。
老月扣戶低，傾河去人遠。
吉士感物化，勞勞意不展。
輟飲屏樽杓，留釭討墳典。
觸事孟軻迂，臨途安國蹇。
不歎歲月道，所悼功名晚。

念衰

歲月不待人，驅我向衰境。
朱顏日辭貌，縞鬢颯垂領。
意昏若坐霧，歡墜似羸井。
病多茲及慵，志怯遂依靜。
問我何功德，乃玷雞翹省。
始願常謬悠，薄霄圖振景。
棧車值

塞路蹇蹇莫言騁君恩蓋如天分虎向東郢沈憂誠萬
緒通宵付耿耿失旦安暇鳴值露徒為警私計狹且偷
榮路浩方永惟餘昧死章將露乞身請

七言古詩

擬東武曲二首

甘泉烽火照黃昏候騎駸駸入雁門光祿塞前逢夜月
黃龍城下見愁雲隱隱輕雷逐車響顏行使者樂相望
勞軍細柳尊亞夫持節雲中赦魏尚自從天子樂休牛

故障遺亭豈重修李廣不生高祖世豈得今封萬戶侯
我家世世山西士二十期門從天子始隨驃騎破祁連
晚逐樓船下牂水漢北雰雰飛雪暗海中跼跼翔鳶墜
歸來武庫祭蚩尤得從甘泉參豹尾何意一朝兵後期
薄責侵誣屬軍吏黃金納贖為庶人白首還家事田里
結髮從軍七十戰利鏃金瘡猶可記龍鍾雖入玉關門
止呵還遇灞陵尉不及金張藉舊勲七葉華貂長富貴

少年行

君不見漢家五陵諸少年白馬驪駒大道邊紫綸裁帽
映兩紐黃金錯帶佩雙鞬經過主第賜綠幘歸宴前堂
羅曲筵長安多逐韓嫣彈別藏仍收張氏錢傳言天子
將羽獵千乘萬騎向甘泉奉車金吾共馳騁外家戚里
見招延徑去平岡馳狡兔虛彎天際落飛鳶竭來別館
恣行樂胡姬當爐酒十千薄暮聊歸渭橋曲明日復會
黃山前

天台梵才師長吉在都數以詩筆見授因答以轉

句

九闕十
八韻

九霞凝標倚霄極爾時師在雲巖側坐中不起見諸方
滿袂天香嗅蒼筤海嶠嶄嶄萬佛螺赤髭半領誰相過
卓錫時攀三宿樹翻經詎著四圍馳何年擲鉢來京轍
抱蓬成畦紫蘭馥王公撤席爭逢迎不意當今有平叔
第一多聞師子兒碧雲餘力嗣工詩盡把天光注言語
真將清氣入肝脾有人官冷抱窮愁客坐無甌塵影流
吃口倦談真寂寞移書避事喜旬休愧慙禪嫡來相問

刮目探懷授珍蘊已輕安石為老生更惱王筠賦強韻
比來緇侶言頗文局促啁啾寧足論私地蛙鳴徒聒耳
長沙國小僅回身惟師墨海多雄藻具足身中無欠寶
先追禦寇跨冷風後伴騷人拾香草跂予投報乏瓊瑰
日睇金園剩九回藍輦嬖姍兩生舉定容元亮醉中來
謝提點刑獄李郎中贈扇

規裁珍素裂輕雲柄翦春篁燥叢露製以為扇持贈君
拂君懷袖祛君暑蜀天六月苦炎歊赤龍秋秋駐雲霧

火走膚脈汗若流暗逗浮涼下天宇畫作飛蠅隊誤點
徐隔游塵不成污何以爲報我知之奉揚仁風慰黎庶

詠西湖上寄潁州相公

湖邊烟樹與天齊獨愛湖波照影時崖蔭渚蘋春披靡
佛樓僧閣暝參差相君萬一來湖上手弄潺湲更憶誰

和賈相公覽杜工部北征篇

唐家六葉太平罷宮艷醉骨恬無憂阿聲詬天翠華出
糝糊戰血腥九州乾瘡坤瘼四海破白日殺氣寒颼颼

少陵背賊走行在採椶拾橡填饑喉眼前亂離不忍見
作詩感慨陳大猷北征之篇辭最切讀者心隕如摧輶
莫肯念亂小雅怨自然流涕袁安愁才高位下言不入
憤氣鬱屈蟠長虬今日奔亡匪天作向來顛倒皆廟謀
忠骸佞骨相撐拄一燎同燼悲崑垓相君覽古慨前事
追美子美真詩流前王不見後王見願以此語貽千秋

羅承制自戎州罷歸

乘障一麾遽出守終更三歲今來旋巴雲晨趣東北道

焚月曉背西南天故人把酒數卷白離亭贈柳長於鞭
屬羌羈詔久款塞歸為天子細論邊

高亭駐眺招宮苑張端臣

蜀天向臘寒未極倚檻綿睇亭臯分一萍團紅江上日
數蓋淡白樓頭雲杯中竹葉與誰舉笛裏梅花那忍聞
願君枉步數相勞他時離緒徒紛紛

嘉祐庚子秋七月予還臺明年始對家園春物作
十年去國老蒙召今歲始見家園春雙燕初來即賓客

羣鶯相逢如故人
蒙茸草樹延野色
碎璫鮭菜供盤珍
多慙吾黨共醒醉
收得澤邊憔悴身

登齊雲亭

少城西北最高處
憑檻極眺襟懷開
模糊烟樹鳥邊靜
突兀雲山天外來
歸櫓櫓逗淮浦涼
颼獵獵生巖隈
雖非吾土信云美
伴客留連傾一盃

景文集卷七

欽定四庫全書

集部

景文集卷八十五

詳校官侍講臣王燕緒

檢討臣何思鈞覆勘

總校官候補中允臣王燕緒

校對官學錄臣謝登雋

謄錄監生臣汪國均

欽定四庫全書

景文集卷八

宋 宋祁 撰

五言律詩

太廟侍祠雪霽有作

喜雪靜氛埃
繁雲即日回
清光動冠劍
餘素著樓臺
樹雜瓊枝竦
途平玉轍開
惟應餘兩騎
知是海神來

和吳侍郎朝謁天慶宮

上路鳴騶遠叢霄故館開華簪堯豸出輕舄漢鳧來探
妙雲數笈蠲煩露溢杯直須重締約飛蓋一徘徊

後苑賞花釣魚應制

清籟披蘭路雕輿眷蕙辰漢池平浴日溫樹暗留春樂
石來威鳳恩波上翠鱗成文傳睿唱賡曲徧華紳

元會詩

寶典叢三朔中闈闢九閭羣臣深拱宁列仗儼屯門輦
出東房秘辰居北極尊熊羆連案負日月傍旗翻

奉和聖製清明日

璇杓臨乙位，羲御屆婁初。
碧浪桃花湧，珍叢錦段舒。
輪蹄晴縹緲，鐘漏夕虛徐。
穆穆宣溫殿，披文日有餘。

晨赴書局

上直蓬山遠，輕軒截九達。
曉光銜睥睨，秋色靜罽罽。
漸覺蘇裘敝，行嗟潘領衰。
鷗鶴自有志，不羨帝梧枝。

和道卿舍人奉祠太一齋宮

素秋來藥館，瑞祝達霄晨。
蘋薦祠無餽，樓居地不塵。
擲

波琴鯉樂傍時漢雞馴此際清懷極盈杯沆瀣津
塵氛不可到深注五城樓素瑟少今韻仙春無俗秋晨
杯三秀深夜繫九光流順報通霄極紛綸瑞福道
地占叢霄勝人持禁橐來詩長清夜徧祠罷素秋回爽
籟天中發虛弦月際開無容以風解身自到蓬萊

和天休舍人奉祠太一宮見寄

順祝齋琳館脩然隔世埃空歌靈鵠下祠節寶雞來瑞
木千尋竦仙圖幾卷開如無清夜唱誰識帝車回

玉堂感舊

七年辭玉署再入佐黃扉樹與青春換人將素領歸
博花仍可記履雀稍驚飛爐蕙非無意逢人尚襲衣

旬沐二首

薄游還私室陶嘉屬小園筍餘林嚮密花後果初繁
燕口將泥重蜂脾抱蜜喧此時蕭散意都欲忘乘軒

待詔官非急還家體不勤里無休汝騎牕有上義人密
樹稍迎夏晚花猶及春幽懷誰與晤杯酒強相親

學舍直歸晚霽三首

驟雨挫炎威歸軒廣陌西渠聲流作瀑日脚側成霓換
錦龍媒埒淹花燕子泥比來巾角墊李郭定相攜

雨罷殘陽在風微酷暑收餘昏淡雲翳聚沫泛河流桃
簾雙紋展盤瓜五色浮潘郎最多感庭樹莫先秋

密霧披層宙濃雲霽四溟亂流初漱玉紅日不藏華萬
葉張晴幄千山卓翠屏無煩事鏡吹蛙響自堪聽

赴直馬上觀市

上直驅羸馬凌晨望百座壚喧滌器市簫暖賣飴天流水隨輕轂翻花送駛羈區區市門吏無復子真仙

初到郡齋

專城四十外中石二千餘曠日慙良術班春賴細書學慵前志忘身遠故人疎姑俟天藏疾雌堂日燕居

省分由來拙操心本自危十年今得調三匝此逢枝擡臂貪豐粟裝懷倦訴詞竹林誰見憶迢遞始平麾

初到郡齋三首

暫解樞機任來從海上閒浮雲富貴外一馬是非間月
衰生潮浦風香墮桂山蒼生雖繫望要作冶城還

我里誠云樂公今況釋勞秋萼不下豸霜蟹恣持螯林
靜來晨燎江喧入夜濤功成奮嘉藻寧欲傍離騷

溫省綢繆罷鄉州偃息時鶴情歸不怨鳳德老無衰月
樹供園蒔仙囊續宴卮自慙淮守薄千里與言詩

到官三歲四首

芳歲已三換寵名仍再遷生平一丘壑衰晚右橐鞬客

眼登樓外鄉愁把酒前巾箱多舊賦只是欠歸田

一忝中山守仍班第四春老應無所事少尚不如人適
野愚謀短將無舊產貧須慙丈二組羈束最慵身

儒帥非真帥瓜時定幾時丹心雖許壯白髮不藏衰
密游鱗駭山遙倦翼遲歲成無奏最準擬鴈門蹄

塞下靜無事軍中奚告勞青山側身遠白日舉頭高作

奏閒雙筆流年耗二毛惟應不能飲元解讀離騷

王孝伯曰

能痛飲酒讀離

騷可為名士

穎上唐公張集仙相勞

案張璪字唐公全椒人翰林侍讀學士知濠州

去時成恨恨喜見眼中人共東西崑峽

唐公與予同書局又相次得郡

來都為左虎鄰年華衰意早酒所故情親後日孤舟遠

離懷怯重陳

同張子春淮上作

南風今日好歸棹上淮津川迴舟如葉山遙石似人波
光篙底動沙壘漲餘新誰信機心少溪鷗伴此身

思歸

去國脩三歲頗知歸思紛南心曉城斗北眼暮樓雲珥
筆行將脫朝珂冷不聞莫論持帥節畎畝尚思君

有詔換淮陽

比出淮陽守今移襄內州真無弱翁治只是茂陵求換
節矜新假循襟釋故愁桑榆知未晚前失庶能收

次江都

道險疑無地巖高欲近天家取代田粟

民耕山上
一歲一代

官鑄

卽山錢

山多鐵冶
州鑄錢

雲變陰晴候林容旦暮烟落花真有

意時解拂行韉

江溜灘灘急崖腰棧棧新天深罕見日路險不容塵遠
草黃綠綠幽花落漠春逢津何必問夫我自知津

齊雲亭晚矚

山暝日云稷天清風寢和樹花紅暗淡城草綠坡陀歸
艇衝烟去昏晷接翅過年華無限樂判作是狂歌

惠民隄河晚矚

遠水同縈帶聯隄類築垣行舟壓天底卧木擁沙痕飭

鯢逃空留鳧鷖泊迥村層波真可羨由此到都門

九日至衛南

良辰獨據鞍節物強相干酒駐衰顏淺風吹客帽寒暫
吟非有屬倦曲不成歡多謝黃花意還如故國看

鄭子產廟

不知東里吏遺跡但堪尋語愛東家淚論交季子心故
墳猶有石遺鼎遂無金諺政為邦久千秋謝所欽

疊嶂樓

州城北城上可
以望孤射霍山

霍射盤西北高樓勝覽并景閒恩謝守名重擬宣城

宣州

疊嶂名在天
下天闕雲來緩風微鳥去輕客憂銷更有須到此

中傾

去鄭暮次中牟

暮投京縣宿氣象已紛羅苑樹道旁密侯田闢內多高
城切星斗秋水似天河自問還臺馬猶餘幾子珂

廢鄭河

民間呼此名或曰即古洧水
河蕪塞惟春夏汙潦所集

當年食漆洧

鄭國語主芥
鯢而食漆洧

此地控長津卻見為陵日難

尋病涉人落霞遙送鶩
荐草暗留麇代往詩風
變田渠數報春

宛丘作

宛丘真善地承詔幸班
春鈴下聽無訟日邊來
有人吟餘多感客睡足
本慵身蟻蝨休相賀吾
今湯沐頻

望漢江

西導岷源濶南浮楚望
開弄珠嫌蚌隱投壁讓
蛟迴岸翠山烟逼波紅
日影來萬艘徒擾擾誰
是濟川材

次劒門

昔驅千騎往今解五魚還誰憚老銷髀自憐生入關春
風來迥野曉斗掛空山卻整康成恰依然愧臆顏

隴州魚龍川石魚

纖鱗藏介石物化自何年無復西江水長依東海田苔
紋堪代藻雲葉即成蓮琥珀藏蚊影佳名共此傳

次梓潼

行行步序深秀色媚諸岑早葉易經吹暖雲難久陰擁

條孤狄嘯戲荇一鳬沈不是無樽酒其誰共獻斟

張亞子廟

今封英顯王

偉哉真丈夫廟食此山隅生作百夫特死為南面孤鹿
庖儻故約雷杼驗幽符潼水無時腐英名相與俱

敝俗

陶姚民屋富梁魏敝風存士闕游鄉校人爭倚市門推
埋時結客博掩競成喧誰與遷茶董移甘肫膾原

城外

次舍梁陳外風烟周鄭間徐驅四郊路徧識屬城山野
雪融殘素岑霞就暝殷幾宵星影動知伴傳車還

題蜀州修覺寺

蜀嶂紛重沓祇園隱寂寥花供法界雨江助梵音朝海
水聞鐘下天風引磬遙少陵佳句後物色付吾僚

杜子美詩

刻今在

巡視河防置酒晚歸作二首

古戍連沙曲層阿屬岸隈天長倦鳥沒山晚跛牂回斜

日低官樹輕寒犯客杯
還城聞暮角三疊落江梅
夾石雙隄轉逍遙千騎留
川昏多晝霧水落足寒洲
岸石危相倚橋漸暮不流
風烟非渭曲誰有釣璜鈎

轉運彭季長學士小疾數辭宴集

比日疾為解遂將杯酒疎
多愁庾開府苦瘦沈尚書
倦曲琴篋後霏香藥裏餘
莫令詩思劇正是落花初

比見告中

有詩書
感際

送張法曹

駉騎柳枝鞭春遠望雄塵賦才賓右俊掾詒中府賢官
楯含櫻密王渠泛醪聯勝期資一笑刑矢措周年

送呂太初法曹之許田

時相國彭城
公鎮許田

秋涯艤客艫潘鬢不勝梳去決卿軍事還親城旦書驛
鷗啼月早庖鯉躍冰餘白哲公庭步翹材首曳裾

農歌

農歌非度曲新樂信蚩蚩迺父知田事吾王采諺辭折
楊時動笑鼓腹自成嬉日暮牛童笛連聲下遠陂

初宿東閣追憶文簡丁公作

案宋史丁度傳度字公雅諡文簡

辭閣玉堂東依然昔所從

予度居初入翰林公雅為承旨獨與予更直凡歲餘予以

避親

舊池空嘆鳳

公雅歲餘進歷二府

殘友不成龍制藻流塵積

塼花駁蘚重過車三步約何日酌塋松

三司晏尚書西園玩菊

涉園求勝賞時菊艷秋光散漫仙潭餌襪瑞鵲裳酒
熏吹晚葉蜂冷抱殘香公意周盈感留杯盡夕陽

玩齋前菊

高秋玩佳菊繁采照前除似粟金無算為裳鵠有餘不
甘興薏謗長免共蘭鉏為爾浮罇酒非邀粟里與

望僊亭書所見

危軒冠層堞永日付登臨寒鴈猶能陣喬柯自不林溪
流橫趣島樵路側依岑西北雖堪望浮雲易作陰
南國冬無雪居然氣候迷柔蔬傲霜甲幽鳥逆春啼神
鼓聲無敗樵歌韻不齊舉頭看白日還過太山西

和楊學士同晏尚書西園對菊

歲秋無異卉佳菊自成妍
導采稱觴客繁開落帽天
抱

池間沮如留蝶小翩跹
為結胡公賞并懷鄴水邊

尚書詩有

并懷渴舊
玩之句

東亭

左園魚麟閣前軒
輦翅開虹將一雨罷潮送萬艘來
山
淨秋妍露林虛晚籟回
此時蕭散樂誰奉醉言杯

隴西都尉禪會圖

宴場禪集盛霜幅繪毫工
竺社同開葉嵇姿宛送鴻
法

身寧滯相世眼願瞻風厨鑰方傳寶非專巖壑中

善惠大師禪齋

大室傳心地安閒歲臘賒水能涵寶月風解去萎花鵲
焰紗團短牛香篆引斜化城無憚遠門外即三車

晚夏北軒

暝崦霞霏罷嚴城鼓疊通梧陰破階月筵吹亂林風浩
露來無際明河望若空玉繩低影處知是建章宮

呈胡希元進士二首

離邦嗟病免道舊樂朋簪刻畫志齊醜膏盲倚鄭歲軒
鴻遡霄路和鶴答溪陰為難求羊徑時容一往尋
焚焚官綬解落落飲瓢空君惠容藏疾交情助諱窮倦
談嗟墨客掉首觀鴻蒙已卜良鄰計無憂吾道東

贈罷征邊將

罷征光祿塞初入玉門闕殘月邊兵盡寒風壯士還旗
光侵桂卷箭鏑半星閒歸賜將軍第長銘寶憲山

惠泉

遙源辭疊嶂澄派鑒情虛流迅無汾惡波長盡楚餘隱
之徒酌水鄭伯謾名渠不必西江去憑君起鮒魚

寄沂州王學士

舊租丞相國新治使君州坐樹貪循政懷鉛倦雅遊猿
驚鄉嶺樹蜚結海天樓誰見行春盛東方最上頭

途中新歲憶三城兄長相公

馬上逢元朔忽忽記物華趁盤呈柏葉偷筆弄椒花腊
暝殘晨炬春暉上早霞三城今日酒知我獨思家

入壬辰新歲

五十為衰始仍餘五歲衰雙眸不明鑑殘鬢已紛絲銅
虎雖頻刮荷囊信濫持何須依老格

新詔七十不致仕許有彈劾先

作故山期

送餘姚尉顧洵美先輩

蓬葆已蕭蕭從官越絕遙山圖禹穴近濤氣伍神驕卧
帳藏新論舟行問故樵寄聲時謝我江上足蘭蓀

送張士安同年赴上元尉

千名聯唱第一尉滯徒勞山入黃旗國江浮白鷺清苑
葩依日晚官樹共秋高少賦思歸恨潘才是二毛

同賦飲舫

飲有乘舟樂舟因得飲名能招習池客便載景山鐺暫
擬留顏玉徐牽倒醉罌莫辭沿汴遠雙檝自逢迎

閱古堂

案宋朝類苑韓魏公知定州作閱古堂後
子京知定州有樂歌十闕此首疑即其一

堂皇對岑蔚歡酌坐怡然蟹美持螯日魴甘抑鮓天

楊洲

五湖賦連沅抑鮓案芥
隱筆記作鱸香抑鮓天

渚翹幽處鷺林響靜時蟬老去

興非淺無妨清夜旋

胡寅赴明州慈溪尉

久因天官調東南亦第如客寓新溜急春樹雜花餘越
臄豐池鴨吳袍競庫練還音與歸夢併附淞江魚

孫景赴懷寧尉

一行為吏日千里背淮人蘭助朝昏膳絲垂宛轉綸雲
容侵驛曉江態引帆春靜治龍舒邑蒼生盜向秦

送王鼎同年尉滎陽

金史四庫全書
卷八
龍毫聯署勝蘭酒悵離杯作吏緇衣國工吟白社才浮
涼御風至澄翠溢榮來盜息連殊課章封刺史臺

奉節朱尉

初命東南尉征途上下弦傳家萬石貴結綬半綸鮮邑
籍饒岷芋公囊滿鄧錢仙才今有助銘閣待新篇

送靜海勾稽高洎

豪雉殘試墨綸綬照恩裳沿牒天官調承家父任郎曲
長溪舫遠宴密酒螯香得助江山國仍縫古錦囊

送倪敦復朝奉

倪侯喜清曠遇物乃虛舟富貴知輕視胸懷肯誤投青
雲非近器滄海納羣流道在從藏顯功名晚可收

寄王共

沸蟻雲壘溢離鷗雪苑開吏催東府計卿待楚人材舊
隱周蘿月前期禹鑿雷我慙芳歲晚猶俟蹇修媒

寄葉道卿

懇乞東南節貪榮綵繡衣禁中嚴助往江上子年歸併

覺秋萼美時驚夜鶴飛遙知具雞黍日與故人揮

秋霽二首

曉河迴北陸夕雨淨西郊水足魚忘煦林寒鳥戀巢
苔浮綠暈社橘老丹苞誰與同真想清風是淡交
氣爽無餘暑天高不住陰霞殘仍是綺風冷即名金烟
沼雙魚樂霜郊一鷄心此時靈運唱無復答愁霖

玩晚菊

佳節雖云晚繁英尚獨開新醪相伴熟寒蝶不空來細

折愁香破長吟恐暝催自嫌霜白鬢將揀重裘徊

殘秋霽景

霜足初畢雨日氣上熹微寒水流無急高雲薄未歸書
間仍積簀琴燥乍移微負郭泥妨輟翻勞急掩扉

冬日呈應之

案應之即吳
感吳郡人

賓席滿浮埃勞歌倦撫懷囊風寒薄木鷗雪夜平階莊
室虛仍白顏心靜已齋北山如借問矯首謝丹崖

秋夕不寐

槭槭始遙夜騷騷無寐時啼螿思歲晚寒葉伴人衰白
髮生將適丹砂化苦遲多情是殘月通曉共遙惟

冬日野外

霜郊堪極目萬籟共騷騷遠水無窮綠寒雲自不高候
鴻差入渚田雀短翔蒿歲稔期民阜中田饁凍醪

野迴人來少天平鳥去長魚梁四寸罟樵市五家漿谷
轉留寒霧霞休罷夕陽不須教目極即是到迴腸

朔吹低凝野層陰迫匝天葉飄霜外柳烟出燒餘田曉

晚流芳後崢嶸急景前平生魚鳥志寧免為留連

行春野外

綠野陽膏動春旗出曉衢川長羅後乘林轉隱前驅早
藥紅粘杏輕苞紫綴榆桑郊不敢問直為使君愚

贈文雅度大士

高臘領髭霜樓閣寄寶坊祕園金側布薰夾字旁行賜
服恩華重分燈祖意長祇陀學久徧餘力在雕章

守歲

已覺新杓動猶聞促漏餘夜寒窮臘尾春色併年初事
往成追計身羈況索居明朝為壽酒無柰故人疎

景文集卷八

欽定四庫全書

景文集卷九

宋 宋祁 撰

五言律詩

歲晚私感

已嗟官落魄更值歲崢嶸
一絰區中累千慙谷口耕
休文偏恨瘦夷甫太鍾情
借問長安米侏儒有底榮

送同年葉文卿尉高郵

檣櫓艤河滬東南再命新還家倦游客隱市謫仙人驛

含霜梅早鄉壺蟻酎醇

時君復過若下家墅

疎林搖落盡持底贈

蕭辰

春晏病體少悵退臥北齋有寄

少有負薪疾早成憔悴姿無人來過跛賴酒與扶衰樸
斷知林短脰腰厭席卑西山一九藥何忍獨相遺

殘花

林下感餘歡流芳逐雨殘香歸蜜房盡紅入燕泥乾夢

短休成蝶腸迴卻掩鸞故應成異果持去擲潘安

王秀才贄賦乞詩為別歸毗陵

短步敝長裾清漳訪病夫得交欣鳳舉賞賦怯霓呼道
勝稽論秀人遐亟去都一篷江上雨歸思滿菰蘆

春郊曉野

睡足猶欹枕歡沉即掩樽風花飛有態烟絮墜無痕野
色兼山遠溪流漲雨渾淵明有歸意惟是對桐孫

送王識游洛陽

山京漫客刺西道慘離裾天倚呼嵩外川橫闔穀餘
敝
褫琴晦軫行笈簡聯書卻見槐花候期君促計車

僑居二首

抱病苦幽憂都城困勸游身拋禿翁版言入稗家流
世
路風波惡天涯日月遒危心正無泊持底喻窮愁

公宇靜寥寥居然俗意銷展閒誰記齒帶適自忘腰
畝
首秋殘穫城西日暮樵北來行樂熟隨意度溪橋

春晏北園三首

春物在無幾景隨人意閒荀生迷鴝缺花盡失林殷墜
絮來何所輕雲久未還持杯問流照肯信有朱顏
天意歇餘芳人閒日始長落花風觀閣睡鴨雨池塘稍
倦持螯手猶殘婪尾觴春歸無所預羈客自迴腸
日晏休塵慮中國春物華驚禽曳啼去弱柳受吹斜暝
早月沈碧涼生水進涯悠然望層堞千翅度昏鴉

屏居寄獻侍講孫尚書

僞版農屋陋飛灰歲琯周危疴負薪困生事播精求雨

露遺幽谷乾坤占一邱
惟餘道邊樹獨為報春遊

和丞相小園雨霽

霽碧凝天宇規紅轉日
車鵲輕來燥枿蜂濕抱
寒花林果高仍在蒞崧
晚自嘉須知窮僻處要
是鄧侯家

送人歸衡陽

別曲慘鵑雞沿湘望翠
微人從南浦別客向洞
庭歸曉鴈井蘆遠宵禽
負葉飛還家落秋後社
橘老金衣

松

冒雪虬枝密，凌空塵影勻。
葉傾秦帝雨，華老宓妃塵。
不見棲鸞客，多逢繫馬人。
寄聲遭匠石，千尺謝輪囷。

聞蟬

秋風日夕驚庭樹，喝蟬聲衰意先。
題馱繁音伴沸羹，斜陽掛高柳。
落日淡遙城，此際君懷苦。
非徒客子情。

聞蟬有感三首

初聞蜀樹蟬，含喝晚風前。
便把淒涼意，催成搖落天。
易驚惟遠客，所得是流年。
空腹悲何事，繁于五十絃。

殘蛻拋何處新聲集迴枝歲芳鵬後妬露信鶴前知風
塢嘶清御霞梢咽暝規此時兼一葉併助長年悲

勞君驚暮節助我思流年嘒若橫吹管繁如未破絃城
殘嘶外月林暝噪餘烟塊坐秋風裏潘郎鬢颯然

遠行

平原已超忽山徑亦紆餘匹練迷征馬孤蓬伴客車江
楓極目外隴水斷腸初行行不顧返秋露泣人裾

夜緒

炎氛歇層寓清氣肅重帷籟遠天人雜宵閒甲乙遲

漢制

有甲乙至戌夜

江湖牽客慮日月與人衰經國謀安在悠悠空

我思

幽禽

已伴傳書燕休隨匝樹鴉春鳴變高柳暮散落餘花格磔林烟迥啁啾觀月斜寧同七十二鎮在莫愁家

集江瀆池亭

五月追涼地滄江剩素漣林烟昏午日樓影壓池天篠

金定四庫全書
卷九
密工迷徑荷歌巧避船機忘更何事魚鳥亦留連

出郊

茂草平堪藉長楊綠自垂郊晴艾帳遠橋迫犢車遲有
鶴迎飛蓋無蛇賭賜卮秦樓何用識馬尾結青絲

清暉亭

亭外大江流亭前萬里舟春波賦別地秋水送歸愁客
路風烟濶年光日月遒瑤華何所為從古伴離憂

不言

不言非巧宦要是乏高符託社天教散為公谷與愚桂
枝懷隱樹荆葉戀歡株榮路多高足爭傳八列呼

朝天嶺

天嶺循歸道征旗面早暎灘聲逢石怒山氣附林昏谷
嘯如禽哢塵交作馬痕萋萋芳草意無乃為王孫

讀張巡故事

叛將闖華日英臣死節年城當勁兵處人甚綴旒然直
木摧貪隧長隄制盜泉羯塵雖覆馬不污沛南天

兔

脫兔馳岡地，餓鷹厲吻天。
為煩麋狗顧，遂給獸人鮮。
狂目兼槐落，驚毫共月捐。
可嗟多狡穴，歸肉助庖羶。

江休復潞掾

君家能賦別，釋褐重淒然。
客袂移緇素，離杯並聖賢。
坐曹煩折獄，奏牘竚懷鉛。
十載青袍困，須饒草色鮮。

同年李宗太平法掾

俊名參吏啟，掾事補編堂。
盡取黃金酒，重紆碧鶴裳。
佐

庖鮭菜厚束帙秘廚香認得公庭步鬢鬚白哲郎

答安陸龐掾

囊文嘗奏御軍事此參卿座臨升堂友鄉榮乞墅甥清
言飄塵毳慎疾寡芝英談幄尸官久煩襟怯報瓊

出城暫憩林下

下馬清林下翛然忘俗情山禽不辨種溪草盡無名露
笋披斑箬風葩抗紫莖徘徊漱巖溜未忍濯塵纓

林下

金史卷之九
卷九
林下追涼久山西反照初蘭茗香自怨蟬腹飽猶虛李
暗傾寇外碁殘折屐餘蕭然臯壤樂何必羨池魚

南國

南國豪華地東風駘蕩天露蘭薰夕夢烟柳重春眠歌
斷雲空度書長燕未傳吟成休自許芳草更繚繚

送鞏漢卿同年赴五原理掾

再赴天宮調仍還多士鄉華陰餘霧散光祿故垣長春
柳侵湖綠秋雲際幕黃片言民訟息編美冠州堂

馮彭年蘇州法掾

竹箭征艫駛驪駒客袂分倦游銷仲產參事厭卿軍象
闕天中隔鄉朝月外聞西山朝氣爽拄頰待談雲

吏上

吏上重門錦樓喧疊鼓撾翠沈遙嶺樹紅斂暝藜花杼
促蟲聲急眉拖月魄斜煩心銷熱盡不待鎮嘉瓜

曲幌

曲幌囊風入前軒峽雨收醉羅初解夕珍簾暗知秋衰

柳金城恨幽蘭楚國愁更堪聞短笛珪月在西樓

林缺

林缺榛苞綻溪平茭菰開衰烟稍辭柳寒雨併饒苔天
意淒淒早鄉愁衮衮來此時論四戚方驗楚人材

送朱十翁

手把臨渦酒人歸如夢城何言一歡笑便作兩離情園
樹丹甃老家山鈿髻明不妨還軫促芝崦趁春耕

司馬相如琴臺

故臺千古恨猶對舊家山
半夜驚風去他年駟馬還死
憂封禪晚生愛茂陵間惟有飄飄氣仍存天地間

黃孝基歸上饒

街微曙鬢喧行人岸艤船杓星背城隱萍日過江圓霧
晦書囊竹塵昏劔室蓮他時漢廷用未減賈生年

送謝處士南歸

歲晏心無著時清適更肥江蓴紫箸渭海鳥傍帆飛鄉
思生閨霧吟懷入楚霏趨庭多令子綵服間荷衣

登望臺

年華無限景沉復上高臺曉氣先明樹春寒不著梅幽禽仍早囀戲蝶即雙來此地流霞意同誰一酌杯

連秀才東歸

烟樹徧雲中迎君馬首東鳴雞闕下曉歸鳥漢陽窮勸客辭城闕深耕託灌叢還將數日惡故故惱衰翁

謝安曰中

年以來傷于哀樂與親友別輒作數日惡余年踰三十多難早衰竊用自況耳

徐帥北歸

舊國青山澗仙巖綠桂春金壺柱史客王札上清人學
霧應成市冷風肯待旬他年留半劑北谷願凝神

北歸

一水清波駛還將檜楫歸纓綬成素濫猿鶴恐長違斗
外城隅出雲端闕影微定知朝夕烏卻望漢臺飛

宣徽太尉鄭公挽詞二首

祕幄留高議雄邊倚茂勛風流自南國禮樂得中軍臥
疾初無損遺忠忍遽聞寢門今日慟長作死生分

誰爲云亡恨曾無可贖身江山歸國路桃李泣蹊人追
冊君恩厚題功史筆新所嗟經濟事不及相平津

肅簡魯公挽詞四首

案宋史魯宗道字貫之誰人
參知政事即魚頭參政也初

謚剛簡
改肅簡

拂世謨謀盛端朝載采熙上前推汲直天下詠曹隨密
啟多焚草加食饜嗜葵不圖霜露疾奄忽喪元龜

震邸陪翔鳳天壇侍祭牲參謀大丞相別對小延英上
棟方隆國顏山遽奠楹武公年不至輔德是功名

憂國神無愛呼醫體寢靡人愛一臺圯帝遣兩騶扶臨
視回褰御遺言入舜謨七兵榮贈冊沉礎賁龜趺
密勿千齡旦生平三命恭承家男得鳳擇婿女乘龍
鄮邑窮遺產邢山卜素封空餘弔客淚傾海望長松

王沂公挽詞三首

盡瘁辭當國均勞得偃藩帷中留秘畫天下滿危言日
企還三事寧圖闕九原誰將河海淚一灑問乾坤
下閣成憂疾飛郵走詔醫遵鴻徒望渚浴鳳不歸池宣

室君朝罷翹車客涕垂正應廊廟上畫一奉蕭規
翬路風號野松阡水溢滌滕君今見日傳魄上騎星詒
訓金籙滿圖功稽史青空嗟令君坐千古掩餘馨

卜居

自樂顏居陋非論晏市囂西山宜託疾東路便歸樵穴
邃孤情樂巢完鳥意遙居然深隱去寧待左生招

太沖
有招

隱
詩

訪隱者不遇

青蘿白石扉霞薄動春暉鶴去書空在鳬閒鳥自飛
騷僊馭遠出岫苦心違拂衽雄風動猶疑禦寇歸

退居五首

干祿非三釜躬耕戀一邱才無作奏巧窮有著書愁
雀噪門羅晚蓬飛鬢葆秋平生鷗鳥志未去戀滄洲

貧極非關病憂多信自傷悲歌一頃豆驚饋五家漿
擁耒宜耕石沈鉤豈為璜中林環室在開徑望求羊

昔愧公車牘今投海岸簪逢齋還忌熟居陸更憂沈
楚

岫偏藏玉燕臺，豈乏金前途？見楊阮只是有沾襟。
利固慙龍斷，長非累繆牽。難求迎鮒水，空望戴盆天。
喘急常悲月，驚多遂惡弦。誠非窮者歎，民頌正堯年。
勇退方藏密，營生信有涯。千株素封粟，五色故侯瓜。
虞骨誠非媚，潘毛故易華。履穿誰復問，新進競青綢。

詠苔

雨牆蒼暈合，烟渚碧紋通。賦閣并塵掩，詩階伴藥紅。
萍流煩結實，絮亂枉因風。少閤回腸恨，春閨隔歲空。

南齋二首

隱有山林願閒非江海身
孔書罕言命莊意闇同人敢
銜能鳴鴈須慙不獵鷄
緣何無麗句多病枉漳濱

曩宦緣三釜今歸分一邱
杯棬非柳性塗尾是龜謀
薪意矜來仕瓜名託故侯
恍然桑下計蠶妾詎相尤

哀故文節公

案宋史列傳張
知白謚文節

早傳黃石系未伴赤松遊
暴疹驚牀蟻深恩賜養牛
谿璜俄碎玉川槭遂藏舟
蕭相今無嗣夫人紹鄮侯

順采思忠蓋宣謀歎巧勞慙遺無一老投弔剩三號撤
奠哀銘引追榮歛哀襲欲知憑厚慶弟覽得傳刀
霜露纔嬰疾龍蛇已喪賢神騎尾星次家託寢邱田長
樂申君弔東堂罷楔筵佳城白日掩從此即千年

章靖馮公哀詞

華殿推名學南宮重亞卿心無二何佞身有兩龔清歸
沐賓蒸鮮幽通筆思精邦人為公恨不見相承平

讀易三編斷當朝萬事知由來不語怪何意遂無兒酒

德歡長絕書林藁尚遺異時逢玉尺方為阮咸悲
晚簣綿疴革中楹奠夢還慈儀猶在野書副即藏山友
酌生芻潔君恩刻印頒一朝交臂失寧復易睎顏
風旌引素轅歌紉遠猶喧此路成千古何人歎九原未
亡鍾淑儼不朽寄空言兄子今為後春秋無餒魂

光祿葉大卿哀詞

八十浮齡盡三千去日長叢蘭秋寂寞卿月夜蒼茫里
友歌迎絳州民酌續漿英魂知所託橋梓藹成行

偃息羽三壽生平定四知鄉人榮衣繡光祿號能詩未
赴安車召遽成埋玉悲方珉紀遺愛無詎冢中辭

辨才少白師歸天台

壤色擁行肩南方應有緣歸艎素車浪寶屐赤城天宴

樹春園密談花畫襪鮮憑師無閤智呵點二宗禪

自南
北異

宗學者多封詩授以表祖
意惟仁者當圓成一案耳

懷滕秘校書

解職青袍困驚年素髮多囊中彭澤米門外下邳羅露

鶴驚霄島風蜩喝暝柯此時潘簞冷爭奈近秋何

送黃秘校書

妙齡看試牘共嘆俊登喧十載重來調猶參軍事煩吳
艍沿迅溜京炙伴芳樽東觀他年選當求江夏孫

景文集卷九